

永樂大典

卷五百三十九

永樂大典卷之五百三十九 一東

容

慕容寧

文苑英華庾信周柱國楚國公岐州刺史慕容公神道碑
昔在啟書懋賞周禮議勳諸侯計功大夫構伐惟師尚

父昆吾載寶鼎之銘王命尸臣。桐邑傳凋戈之賜。故知太上立德。明試以功。存有顯爵之榮。致有大名之貴。昊天不弔。其惟楚國乎。可以旌德。景鍾勒勳。彝器式昭。盛美載揚。洪烈者焉。公諱寧。字永安。昌黎徒河。同書作何人也。都尉總六縣之卿。名山稱五岳之佐。燕太祖文皇帝慕容皝。以當世英雄。奄有河朔。趙之南境。且建王城。冀之北土。仍為興國。公即銑之苗裔。家世燕。隨高祖侍中使持節都督中外諸軍事。太保錄尚書北地王慕容超之世。蕃屏王室。詳之燕錄。可得稱焉。曹祖尚書府君。因魏室之難。改姓豆盧。仍為官族。祖仕魏。文成皇帝考。早亡。朝廷以庸勳。假屬恩深。追遠保定三年。有詔贈柱國將軍。少師。涪陵郡開國公。食邑二千戶。公稟氣中和。降祥川岳。岐疑表。羈貫之年。通禮稱綺紉之歲。夙著奇節。幼表大成。兄弟

永樂大典卷五百三十九

分巢。便知推讓。賓客解鈴。曾無慘色。永安元年。太宰元天穆。魏室滿。疑輔握兵。淮南。抗權江南。公時任別將。便從征伐。自是長城破石。必先行陣。秦南隴西。毋當矢石。權既降。乘勝莫不前驅。策勳行賞。常居第一。永熙元年。補子都督。并加鼓節軍儀。除桑乾太守。轉補都督。其年以魏皇西幸。奉迎大駕。賜封河陽縣開國伯。增邑三百戶。俄遷大中大夫。改伯為侯。增邑合九百戶。仍授使持節都督顯州諸軍事。顯州刺史。四年。遷鎮東將軍。金紫光祿大夫。其年秋。河橋之役。先登破陣。遷為車騎大將軍。儀同三司。五年。沙苑之功。加封合前二千戶。俄授敷州刺史。加散騎常侍。外深推轂。內侍集書十五年。授右衛將軍。十六年。授大將軍。後魏元年。重授敷州刺史。公以先經刺舉。固辭不就。三年。改封武陽郡開國公。除尚書僕射。職惟贊奏。任居封掌。分左右之侍。兼典舉之選。屬以江南阻兵。諸宮邊敵。軍機警急。鋒鏑縱橫。公奉命星言。元戎啓路。總秦人之銳士。兼荆尸之廣卒。水龍競雙刀之勢。步騎陳四分之威。夷陵既燒。黔中方定。旋軍反旆。解甲休兵。其後鳳州內判。成都外絕。公又總督眾軍。鬼乘即道。兵不血刃。並皆擒獲。遷其酋豪。納其降附。皇朝受終。文祖革命。神宗選賢與能。改絃創制。爰降冊書。授公柱國。增邑四千戶。二年。授同州刺史。衿帶關輔。唇齒秦晉。編戶設

積郎閣儲峙藩籬是任親賢勿居公建軍旗作牧寨帷行部六條斯舉百
城咸勸三年授公大司寇又以公勲庸特著冊封楚國公食邑一萬戶蓋
因破侯方仁等於荆陝即其地而封焉述糾王患弛張刑政式遏寇虐於
是御之以寬猛柔遠能通然後平之以和舜任臯陶不仁者遠晉舉隨會
群盜皆奔保定四年授岐州諸軍事岐州刺史沈痼彌留保定五年三月
四日薨于私第春秋六十有二詔贈某官謚某公禮也十月庚申葬于洪
濟之川馳綽毀宗容車東道玄甲被屬國之兵介士陳輕車之騎克善令
終生榮死感嗚呼哀哉經德秉哲體道居貞履貴思冲居盈 作滿念慎
澄波千畝不能變其清濁高牆百仞無以測其汗隆立身行己居安如墜
亡躬殉義視嶮若夷至於將略應變出奇設伏太一風角之占常從星辰
之候艘船戰陣之錄強弩馳射之書莫不動會機神發符雷電梯衝所向
地靡百樓之城長戟所臨野闕既三門之陣是以斬將奪旗四十三戰尊
官厚祿三十七年武彰七德之美歌誦九功之業述紀庸器之文行昭易
名之典昔臧文既歿榜叔稱其立言鄭僑云亡宜尼泣其遺愛德陽青石
之墓千年未平板江白虎之碑百代無毀敢因斯義乃作銘曰遠水之東
冀州之北既曰都尉兼稱屬國歛氣餘勇唯遺遺則孝實天經忠為令德

宋樂大典卷五百三十九

二

冠冕世祿羽儀祚胤俗被燕丹風漸英蘭劬勞行役辛苦行陣勇過游騁
氣喻先震王國克生思皇多士温温恭人謙謙君子擁旄仗節出蕃入仕
持節五朝建旗千里時逢改祚名載策勳淮陰召拜昭陽破軍職司刑政
獄慎深文沈羊不飲雀盜無聞巴庸薄伐江漢專征軍總四校兵兼七營
運長擊短後實先聲增壘威敵滅寇潛兵鍾鳴夜漏晞露朝陽邑里蕭索
帷幄荒涼豐碑下極題湊遷爽宮臨樗里臺傾益嘗宅兆戒期遠辰告筮
德遺身後名昭沒世館舍長捐某尚永閉嬰嬰悼齊柳莊悲衛風秋北原
日沒川逝葬田舊頃容土新封淡墮片石劍掛孤松清徽令範千載遺蹤
慕容儼北齊列傳慕容儼字恃德清都成安人慕容廆之後也父
儀同三司尚書左僕射持節都督滄恒二州軍事恒州刺史儼容貌出群
衣冠甚偉不好讀書頗學兵法工騎射正光中魏河間王元琛率眾救壽
春辟儼左廂軍主以戰功賞帛五十疋軍次西硤石因解渴陽之圍平倉
陵城荆山戍梁遣將鄭僧等要戰儼擊之斬其將蕭喬梁人奔遁又襲破
王神念等軍擒二百餘人神念僅以身免三年梁遣將攻東豫州大都督
元寶掌討之儼為別將鄭海珍與戰斬其軍主朱僧珍軍副秦大又擊賊

永樂大典

卷五三九

王苟於陽夏平之。李昌中爾朱榮入洛。授儼京畿南面都督。永安中西荆州馬梁將曹義宗所圍。儼應募赴之。時北有太守宋帶劔謀叛。儼乃輕騎出其不意。直至城下。語云。大軍已到。太守何不迎。帶劔造次惶恐。不知所為。便出迎。儼即執之。一郡遂定。又破梁將馬元達。蔡天起。柳白嘉等。累有功。除強弩將軍。與梁將王玄真。董當門等戰。並破之。解穰城圍。剋復南陽新鄉。轉積射將軍。持節豫州防城大都督。尔朱敗。與豫州刺史李恩歸高祖。以勲累遷。安東將軍。高梁太守。轉五城太守。北史云。見東雍州刺史潘相樂長舞而已。丞相以下。數罹其罪。乃謂儼曰。府君少為群下至節。儼據袂曰。吾狀貌如此。恒望人拜。豈可拜人。神武聞。三人在是不和。微相樂還朝。以儼代為刺史。遷東荆州刺史。行次長社。忽為其部下人所執。將扶山賊張倫。為守人王崇祖。杜牧。瘦兒。神武仍投以軍司。共繫平倫。始得還州。沙苑之敗。西魏。荆州刺史郭鸞。率眾攻儼。拒守二百餘日。晝夜力戰。大破鸞軍。追斬三百餘級。又擒西魏刺史郭他。時諸州多有翻陷。惟儼獲全。進號鎮南將軍。武定三年。率師解襄州圍。預使苻茹。又從攻玉壁。賜帛七百疋。并衣帽等。五年。鎮河橋五城。侯景叛。儼擊陳郡賊。獲景麾下。犀狄。曷。賴。及偽署太守。鄭道合。兗州刺史王彥夏。行臺狄暢等。擒斬百餘級。旋軍項

永樂大典卷五百三十九

三

城。又擒景偏署刺史辛光。并及蔡遵。并其部下二千人。六年。除雒州刺史。屢有戰功。多所降附。七年。又除膠州刺史。天保初。除開府儀同三司。三年。梁司徒陸法和儀。同宋。信等。率其部下。以鄆州城內附。時清河王岳。帥師江上。乃集諸軍議曰。城在江外。人情尚梗。必須才略兼濟。忠勇過人。可受此寄耳。眾咸共推儼。岳以為然。遂遣鎮鄆城。始入。便為梁大都督侯瑱。任約。率水陸軍。奄至城下。儼隨方禦備。瑱等不能剋。又於上流。鸚鵡洲上。造荻筵。竟數里。以塞船。路人信阻絕。城守孤懸。眾情危懼。儼導以忠義。又悅以安之。城中先有神祠一所。俗號城隍神。公私每有祈禱。於是順士卒之心。乃相率祈請。冀獲其祐。須臾。衝風歛起。驚濤涌激。漂斷荻筵。約復以鐵鑊連治。防禦彌切。儼還。共祈請。風浪夜驚。瑩復以斷絕。如此者再三。城人大喜。以為神助。瑩移軍於城北。造柵置營。焚燒坊郭。產業皆盡。約將戰士萬餘人。各持攻具。於城南置營。南北合勢。儼乃率步騎出城。奮擊。大破之。擒五百餘人。先是鄆城卑下。無土。疎頽壞。儼更修繕城雉。多作大樓。又造船艦。水陸備具。工無暫闕。蕭循。又率眾五萬。與瑩約合軍。夜來攻擊。儼與將士力戰。終夕至明。約等乃退。追斬瑩。將張白石首。瑩以千金贖之。不與。夏五月。瑩約等。又相與。并力。悉眾攻圍。城中食少。糧運阻絕。無以為

計唯煮槐楸桑葉并苧根水萍葛艾等草及靴皮帶筋角等物而食之
 有死者即取其肉火熟分噉唯留骸骨儼猶申令將士信賞必罰分甘同
 苦死生以之自正月至於六月人無異志後蕭方智立遣使請和顯祖以
 城在江表據守非便有詔還之儼望帝悲不自勝帝呼令至前執其手持
 儼鬚贊脫帽看髮歎息久之謂儼曰觀卿容貌朕不復相識自古忠烈豈
 能過此儼對曰臣恃陛下威靈得申愚節不屈堅子重奉聖顏今雖夕死
 沒而無恨帝嗟稱不已除趙州刺史進伯為公賜帛一千疋錢十萬九年
 又討賊有功賜帛一百疋錢十萬十年詔除揚州行臺與王貴顯侯子監
 將兵衛送蕭莊王琳軍與陳將侯瑱侯安都戰於蕪湖敗歸皇建初別封成
 之又監蕭莊王琳軍與陳將侯瑱侯安都戰於蕪湖敗歸皇建初別封成
 陽郡公天統二年除特進四年十月又別封猗氏縣公并賜金銀酒鍾各
 一枚胡馬一疋五年四月進爵為義安王武平元年出為光州刺史儼少
 任俠交通輕薄遨遊京洛間及從征討每立功効經略雖非所長而有將
 帥之節所歷諸州雖不能清白守道亦不貪殘卒贈司徒尚書令子子顯
 給事黃門侍郎北史云子子會位鄆州刺史周武帝平鄆使其子送救喻
 之子會初其子付愨亦救書至云行臺武王已降子會乃與察傷北面慟

永樂大典卷五百三十九

吳然後奉命爾朱將帥義旗建後歸順立功者武威牒舍樂代郡范舍樂
 亦致通顯牒舍樂少從爾朱榮為軍主統軍後西河領民都督爾朱兆敗
 率眾歸高祖拜鎮西將軍金紫光祿大夫以都督隸侯景破賀拔勝於穰
 城又與諸將討平齊兗荆三州拜鎮西將軍營州刺史天保初封漢中郡
 公後因戰沒於關中范舍樂有武藝筋力絕人魏末從崔暹李崇等征討
 有功授統軍後入爾朱榮軍中頗有戰功授都督後隨爾朱兆破步藩於
 梁郡高祖義旗舉棄兆歸信都從高祖破兆於廣阿韓陵並有功賜爵平
 舒男每從征伐多有剋捷除相府左廂大都督尋出為東雍州刺史世宗
 嗣事封平舒縣侯拜儀同天保中進位開府又有代人庫狄伏連字仲山
 少以武幹事爾朱榮至直閭將軍後從高祖建義賜爵虵丘男世宗輔政
 遣武衛將軍天保初儀同三司四年除鄭州刺史尋加開府伏連質朴勤
 於公事直衛宮闕曉夕不離帝所以此見知鄙吝愚狠無治民政術及居
 州任專事聚斂性又嚴酷不識士流開府參軍多是衣冠士族伏連加以
 捶撻逼遣築塙武平中封宜都郡王除領軍大將軍尋與瑯琊王儼殺和
 士開伏誅伏連家口有百數盛夏之日料以倉米貳升不給鹽菜常有飢
 色冬至之日親表稱賀其妻為設豆餅伏連問此豆因何而得妻對向於

食馬豆中。分減充用。伏連大怒。典馬掌食之人。並加杖罰。積年賜物。藏在別庫。遣侍婢一人。專掌管箒。每庫檢閱。必語妻子云。此是官物。不得輒用。至是簿錄。並歸天府。貴。

見齊書列傳。張瓊傳。

慕容諾

冊府元龜唐高宗乾封元年五月。封河源王慕容諾曷鉢為青海王。

慕容彥超

五代歐史雜傳慕容彥超。吐谷渾部人。漢高祖同產弟也。嘗冒姓閻氏。彥超黑色胡髯。號閻莫崙。少事唐

明宗為軍校。累遷刺史。唐晉之間。歷德軍。濮州。四州。坐濮州造麴受賂。法當死。漢高祖自太原上章論救。得減死。流于房州。韓丹滅晉。漢高祖起太原。彥超自流所逃歸漢。拜鎮寧軍節度使。杜重威反于魏。高祖以天平軍節度使高行周為都部署以討之。以彥超為副。彥超與行周謀議多不協。行周用兵持重。兵至城下。久之不進。彥超欲連戰而行。周不許。行周有女嫁重威子。彥超揚言。行周以女故。惜賊城而不攻。行周大怒。高祖聞二人不相得。懼有他變。由是遽親征。彥超數以事凌辱行周。行周不能忍。見宰相涕泣。以屎塞口。以自訴高祖。知曲在彥超。遣人慰勞行周。召彥超責之。

永樂大典卷五百三十九

五

又遣詣行周謝過。行周意稍解。是時漢兵頓魏城下已久。重威守益堅。諸將皆知未可圖。方伺其隙。而彥超獨言可速攻。高祖以為然。因自督士卒急攻。死傷者萬餘人。由是不敢復言攻。後重威出降。高祖以行周為天雄軍節度使。行周辭不肯受。高祖遣蘇逢吉諭之曰。吾當為爾徙彥超。行周乃受。而彥超徙鎮秦寧。隱帝已殺史弘肇等。又遣人之魏殺周太祖。及王峻等。懼事不果。召諸將入衛京師。使者至宛。彥超方食。釋匕箸而就道。周兵犯京師。開封尹侯益謂隱帝曰。北兵之來。其家屬皆在京師。宜閉門以挫其銳。遣其妻子登陴以招北兵。可使解甲。彥超請益曰。益老矣。此懦夫之計也。隱帝乃遣彥超副益將兵于北郊。周兵至。益夜叛降于周。彥超力戰于七里。隱帝出勞軍。太后使人告彥超善衛帝。彥超大言報曰。北兵何能為。當於陣上喝坐使歸營。又謂隱帝曰。官家宮中無事。明日可出觀臣戰。明日隱帝復出勞軍。彥超戰敗奔宛州。隱帝遇弒于北郊。周太祖入立。彥超不自安。數有所獻。太祖報以玉帶。又賜詔書安慰之。呼彥超為弟而不名。又遣翰林學士魚崇諒往慰諭之。彥超心益疑懼。已而劉昫自立于太原。出兵攻晉絳。太祖遣王峻用兵西方。彥超乘間亦謀反。遣押衙鄭麟至京師。求入朝。太祖知其詐。手詔許之。彥超復稱管內多盜而止。又為高

行周所與書以進其辭皆斥指周過失若欲共反者太祖驗其印文偽以書示行周考超又遣人南結李昇昇出兵攻泮陽為周兵所敗而劉昊攻晉絳不克解去太祖乃遣侍衛步軍指揮使曹英容省使向訓討之考超閉城自守初考超之反也判官崔周度諫曰魯詩書之國也自伯禽以來未有能霸者然以禮義待之而長世者多矣今公英武一代之豪傑也若量力相時而動可以保富貴而終身李河中安襄陽鎮陽杜令公近歲之龜鑑也考超大怒未有以害之已而見圍因大括城中民貨以犒軍前陝州司馬閻弘魯懼其鞭朴乃悉家貨以獻考超以為未盡又欲并罪周度乃令周度監括弘魯家周度謂弘魯曰公命之死生繫才之多少願無隱也弘魯遣家僮與周度斲掘搜索無所得考超又遣鄭麟持刃迫之弘魯惶恐拜其妻妾妻妾皆言無所隱周度入白考超考超不信下弘魯及周度于獄弘魯乳母於泥中得金纏臂獻考超欲贖出弘魯考超怒遣軍校笞弘魯夫婦肉爛而死遂斬周度于市是歲鎮星犯角亢鄭分兗州當焉考超即率軍府將吏步出西門三十里致祭迎於開元寺塑像以事之日常一至使民家立黃幡以禳之考超為人多智詐而好聚斂在鎮嘗置庫質錢有奸民為偽銀以質者主吏久之乃覺考超陰教主吏夜穴庫垣盡

永樂大典卷五百三十九

六

徙其金帛于他所而以盜告考超即榜于市使民自占所質以償之民皆爭以所質物自言已而得質偽銀者寘之深室使教十餘人日夜為之皆鐵為質而包以銀號鐵胎銀其被圍也勉其城守者曰吾有銀數千挺當悉以賜汝軍士私相謂曰此鐵胎爾復何用哉皆不為之用明年五月太祖親征城破考超夫妻皆投井死其子繼勳率其徒五百人出奔被擒遂滅其族纂誤周兵犯京師隱帝遣考超副侯益將兵于北郊周兵至益夜叛降于周考超力戰于七里今按隱帝紀則考超先戰敗而後益降周紀傳不同必有誤者考超力戰于七里今按本傳則明日方戰是時未戰安得云力戰乎

慕容延釗

宋史列傳慕容延釗太原人父章襄州馬步軍都校領開州刺史延釗少以勇幹聞漢祖之興也周祖為

其佐命以延釗隸帳下周廣順初補西頭供奉官歷尚食副使鐵騎都虞候世宗即位為殿前散指揮使都校領漢州刺史高平之戰督左先鋒以功授虎捷左廂都指揮使領本州團練使遷殿前都虞候領睦州防禦使從征淮南改龍捷左廂都校公江馬軍都部署歸朝復為殿前都虞候出

永樂大典

卷五三九

為鎮淮軍都部署。顯德五年。世宗在迎鑿江口。聞吳人舟數百艘泊東洲。即命延釗與左神武統軍宋延偃討之。延釗以驍騎由陸進。延偃督舟師沿江繼進。大破之。淮南平。遣殿前副都指揮使。領淮南節度。恭帝即位。改鎮寧軍節度。充殿前副都點檢。復為北面行營馬步軍都虞候。太祖即位。延釗方握重兵也。真定。帝遣使諭旨。許以便宜從事。延釗與韓令坤率所部兵按治邊境。以鎮靜閑。太祖嘉之。加殿前都點檢。同中書門下二品。避其父名故也。李筠叛。初命與王全斌由東路會兵進討。俄為行營都部署。知澶州行府事。及平加兼侍中。詔還澶州。建隆二年。長春節未朝。賜宅一區。表解軍職。徙馬山南東道節度。西南面兵馬都部署。是冬大寒。遣中使賜貂裘。百子禮帳。四年春。命師南征。以延釗為湖南道行營前軍都部署。時延釗被病。詔令肩輿即戎事。賊將汪端與眾數千。擾朗州。延釗擒之。磔于市。荆湘既平。加檢校太尉。是冬卒。年五十一。初延釗與太祖友善。顯德末。太祖任殿前都點檢。延釗為副。常兄弟事延釗。及即位。每遣使勞問。猶以兄呼之。洎寢疾。御封藥以賜。聞其卒。慟哭久之。贈中書令。追封河南郡王。錄其子弟授官者四人。子德業。德豐。德鈞。德業至衛州刺史。德鈞至尚食副使。延釗弟延忠。歷內殿直。供奉西頭官。都知。至磁州刺史。延釗至虎捷軍都指揮使。延釗子德璠。

永樂大典卷五三九

七

宋史論通見錄分仲博下。

慕容德豐

宋史列傳。慕容德豐字日新。幼聰悟。延釗愛之。嘗曰。與吾門必此子。八歲授山南東道衙內指揮使。延釗

卒。授如京使。開寶中。從征太原。領御營南面巡檢。又為揚州都監。征南唐。為洞子都監。城既下。命為昇州都監。市廛安靜。澤國富饒。使者多哀聚金帛。德豐獨以廉潔聞。俄領蔚州刺史。太平興國二年。知慶州。兼邠寧都巡檢。嘗破小遇族。奪名馬數十。詔書褒諭。居任九年。以簡靜為治。遷鎮安之。雍熙四年。使登萊。閱強壯。及還。拜西上閣門使。是冬出為定遠軍。鈴轄命領後陣中隊。別將萬騎。以禦邊害。淳化二年。進秩東上。知邢州。三年。改判四方館事。出知延州。時侯延廣知靈武。或言其得西夏情。極強難制。命德豐代之。就賜白金三千兩。會建使名。改為四方館使。未幾。以所部不治。徙知慶州。俄又改靈州。兼部署。較價湧貴。德豐出私廩振饑民。全活者眾。轉引進使。賊入境。德豐率兵擊走。獲羊馬甚眾。咸平二年。遣客省使。知鎮州。召對便坐。撫慰甚至。是冬。遼人南侵。德豐繕兵固守。餉饋不絕。詔獎之。三年。改滄州。德豐輕財好施。厚享將士。在西邊時。母留京師。妻孥寓長安。

貧甚。真宗聞之，特詔給團練使奉。明年進穎州團練使。知貝瀛二州。五年卒。年五十五。家無餘財。

慕容

艘來寇。與

賊剽開州。

二副使。咸

北伐。奪耕牛

刺史。復任峽

天禧初。改右

一曰。徽承制。史海見詳。今坤傳下

補供奉官。累遷內殿

省。須臾十萬餘。舟千

云。其舟

永樂大典卷五百三十九

八

之不壽。與夫
授室。嗣息。

慕容彦

縣開國伯。食邑九百戶。

諡。今據回申到擬狀。諡曰文友。

一曰。高巨崇寧紀元

之初。上方躬親聽斷。勵精庶政。修邊制。揚功之治。求賢如弗及。輔弼大臣

鬼簡。以副側席之求。凡所薦引。皆召見便朝。天子親訪納焉。時公在選中。

比入對。論議有餘。喟然動丹床。亟推儒館。上方欲褒顯異才。以勸多士。於

是間。歲未幾。不累遷。遂持橐近班。要途華貫。翱翔殆周。公感遇持異。思竭

底蘊以報春知。益自激昂。以赴功名之會。所歷咸有可紀。儒學彬彬。譽望蔚然。為一時聞人。嗚呼。亦可尚已。既終于官。其家狀公行于朝。命謚于太常。謚法曰德美才脩曰文。能善兄弟曰友。以是易名。於行不浮。請得而論之。公天資穎悟人也。自初就傅。其默識彊記。固已過人。閱書一再過。輒不怠。既仕。益自力於學。藏書至數萬卷。退食即研精其間。自六經群史。諸子百家之學。靡不洽通。故其所蓄。雅深閎博。故為詞章。遽然根柢理致。代言西掖。攝直北門。凡所草定。援筆立成。溫厚典雅。炳然可觀。士大夫稱之。號為近古。豈不曰德美才脩者乎。公天性篤孝。事繼母尤極謹順。先意承志。比終嘗如一日。撫先德之遺澤。抱弗洎之深悲。常慨然曰。獨可致力友愛于我諸弟。庶慰怵惕之思焉。於是撫育訓誨。誠意篤備。世賞不先其息。必徧同氣。雖法必任子者。亦力請于朝。以及之。吹噓汲引。唯恐後用。能感被采擢。華尊扶疎。聯榮一時。世之稱友愛者。必以公為言。宜唯族姪鄉里慕之。縉紳之士。莫不推之。上至於天子。亦聞而嘉獎之。蓋其因心力行。故久而益篤。厥聞顯著如此。豈不曰能善兄弟者乎。考論公行。被之以此謚。其誰曰不宜。方公居諫垣。則持論聖明。風望隱然。貳銓曹。則籍它比後條。且以絕吏姦。守汝海。則能以寬惠得民心。長秋官。則禁妄擊正。叙法頒斷。此

以恢讞奏之路。寬罪之類者。以廣上恩。才周於用。故所居底績。宜不一而已也。若夫官師論謚。獨綴取行己之善。其尤較著者。以垂不朽云。謹議。奉議郎守考功員外郎吳巖夫。伏承太常寺謚議如前。謹按上公天資警悟。學術過人。自其少時。已能奮勵。力取進士第。蘄然見頭角。識者固知其遠到矣。紹聖間。朝廷設宏詞。以待文學之士。公與同輩試于有司。一舉而得之。自此名聲上達。聖主銳意圖治。網羅英俊。用之惟恐不及。公於是時首被識拔。召對便殿。權真書林。更踐華要。皆以才能見稱。未幾進直西垣。一時誥命。多出其手。文章典雅。士夫傳播。以為深得代言之體。出入禁闥。謀謨議論。為不少矣。而公慎密不泄。以故罕有聞者。方將進用。不幸云亡。此朝廷之所深惜也。嗚呼。公之持橐。幾二十年。出處進退。終始之節。皆可夷考。至於內行脩飾。孝友純篤。出於天性。則又有不可掩者。世賞必先同氣。而不以私其子。撫育教誨。迄用有成。數年之間。諸弟繼踵登朝。寔以光顯矣。然猶分俸祿。以給其不足。此又人之所難。縉紳之論。莫不以此多之。天子亦聞而稱獎焉。身歿之後。室無私藏。聖恩矜恤。隱終之典。於數尤緜。太常恭稽衆論。請以文友二字謚公之名。名稱其實。不為虛矣。當部准例於都省。集合省官同參詳。皆協令式。請有司准例施行。謹詳定訖。遂具狀申

都省取裁奉太宰判准。謹具申都省伏候指揮。初旨仍付所司。宣和二年二月二十三日奉勅如石。牒到奉行。宣和二年二月二十四日。尚書吏部故通奉大夫守刑部尚書致仕河南縣開國伯食邑九百戶。贈銀青光祿大夫慕容某謚曰文友。牒奉勅。牒至准勅。故牒宣和二年三月日書。今吏武統給考功員外郎吳嵩夫。考功員外郎黃叔教。侍郎王鼎。侍郎盧法原。尚書蔣猷。中大夫充徽猷閣待制。提舉南京鴻慶宮蔣璿撰。文友公墓誌。政和七年夏五月。通議大夫刑部尚書慕容公疾病。拜疏上。運印綬天子閔以職事勤公。詔以通奉大夫刑部尚書致仕。是月壬子。薨于寢。享年五十有一。上聞震悼。制贈銀青光祿大夫。賻賜加等。又以御府錢二百萬。賜其家。宣和元年二月甲申。葬于常州宜興縣。篠嶺之原。公諱某。某字其先。曹魏時。建國為率義王。歷晉隋唐世。有顯人。五代時。開州刺史。贈太保某。於公為四世祖。大保二子。長曰某。國初以功封河南王。季曰某。為磁州刺史。生右衛將軍諱某。家于滏陽。隨子官。宜興卒。葬焉。故今為宜興人。右衛生少師諱某。於公為考。少師三娶周氏。沈氏。蔣氏。累贈崇嘉國太夫人。公沈出也。幼卓偉不群。六歲喪母。哀毀如成人。默識彊記。讀書一再過輒不忘。嘗有異人語少師曰。是兒手有從理。足有二黑子。他日必貴。視

之信然。初未之見也。少長銳志於學。痛自砥礪。窮經綴文不少懈。出與諸儒試。常為魁首。弱冠登元祐三年進士第。調主池州銅陵簿。比少師捐館舍。公承計號絕。哀感行路。卒喪。調主婺州金華簿。改瀛州防禦推官。知鄆崇陽縣。會朝廷初設宏詞科。以羅天下文學之士。公從試中。遷淮南節度推官。越州州學教授。推所以教諸生。孜孜不倦。南方士喟然興於學。益繕治黌舍。刊印三史。雖校精審。遂為善書。四方士大夫構求之。當以養士。迨今蒙利焉。元符元年。改宣德郎。擢主國子監簿。遷太學博士。崇寧初元。賜對便殿。敷納明辨。方秋試進士。公建言。以為邇來學者。程文往往尚浮靡。畔經術。願詔有司。凡選擇務先理致。後文采。說僻不醇者黜之。詔從其請。除秘書省校書郎。未幾擢監察御史。兼權殿中侍御史。然見一再。上益才之。除左正言。遷左司諫。章數十上。大抵以拾遺補闕。輔教化。慎命令。為先。劾按權近。無所回撓。後言執政以某事當去。上亟為罷之。論議堅正。風望隱然。除起居舍人。踰月。召試制誥。擢中書舍人。預編修。哲宗皇帝御集。三年春。罹嘉國夫人憂。初夫人寢疾。公憂見顏間。扶承左右。殆廢寢食。及執喪。毀瘠踰制。三年不居于內。芝草產廬次。鄉里歌頌之。服闋。游拜中書舍人。大觀元年春。權翰林學士。歲中除尚書兵部侍郎。數月。改吏部。建請

永樂大典

卷五三九

編次差擬。近此馬書以室欺設。下諸郡密覈主田。有無多寡之實。簿正之。又馬薦舉都簿。其注薦士之章。毋得隱漏。與選凡三年。條教張設。鈔牒吏奸。縉紳大悅。便之。進無侍讀。又無議禮。或選詳議官。前所論執政。復登用言官。希意証公以他事。朝論不以爲然。上亦察其無所他。趣令祿職。而公力請補外。遂出知汝州。布宣德意。加以廉平。民有犯法。必求所以寬之。罪疑者從輕。故下德其賜。至相約不犯。公令既去而思之不忘。再加集賢殿修撰。政和元年。復以吏部侍郎。召兼侍講。并議禮局。二年冬。擢拜刑部尚書。公平日以文學進。法律非所習。人或難之。公曰。三尺安出哉。顧慮不留。意爾。凡有衆決。必本於法令。而緣飾以儒雅。故平亭論報。當於理。合人心。建請開封府。捕盜官與緝事使。臣敢捕繫無罪人。詣吏者。並比附政和法。縣以杖笞及無罪人。爲徒以上罪。送州。杖一百。自是吏知畏憚。不敢妄捕繫人。又論命官有罪。除名爲重。追官爲輕。而刑部叙法除名。人初犯私坐。乃除一官叙。公坐盡叙舊官。而追官者。皆除所追官叙。輕重不倫。願詔有司詳定。復請下大理取熙寧以來四方奏獄情法疑憫決事。比頒之天下。庶幾遠方知所遵用。詔皆從之。每決四方疑獄。必從輕比。多所未宥。故奏牘之上。司寇者。屢以罄絕稱慶于朝。無詳定高麗入貢法。六年。復知貢舉。

永樂大典卷五三九

十一

公自崇寧以來。五司文衡。一時俊傑多出其門。進兼太子賓客。上初建儲。或以重國本。東宮寮案。極當時之選。公以宿德鉅儒。與今丞相白公偕被差擇。朝野稱得人。既職調護。五日一見皇太子。必力陳父子君臣之道。如是而爲孝。如是而爲忠。惓惓輔導。開益居多。歲中頻攝翰林學士。自居從官。凡翰苑缺負。輒被旨無領。所草內制。自成一集。公久服通顯。譽望隆洽。忠誼謀謨。上所深知。天下士指日以冀柄任。而平時盛氣揚休。未嘗有疾。七年仲夏。侍祠方澤。適隆暑。禮成而退。體中覺疲勸。猶力于朝。謁告纒數日。遂不起。病不登三事。遠圖弗究。宣命也。夫將歸葬。詔以季弟開封府刑曹掾考季通判常州。典護終事。長弟考許自開封府刑曹。仲弟考傳自太常寺丞。亦皆請外同護喪而歸。從官舉故事。賦歛購送。合數十百萬。公子攀棺號慟曰。義不傷先人名。卒辭不受。公孝友。蓋天性非彊勉。致然。事繼母盡禮。既處顯矣。致養怡謹。如布衣時。友愛三弟。所以拊育教誨之。甚至稍長進之於學。講習琢磨。以身率之。其後群處太學。皆聲華爲名進士。延賞不先與子。必徧逮同氣。吹噓汲引。例被除權。當時貴之。其論撰集賢也。法得任子。不許及旁暮。時仲弟未命。公慨然曰。吾子可先。吾弟官乎。乃以至誠祈懇。朝廷多公義。特從之。自貧約時。與諸弟飲食衣服必均。絕甘必

少進青猶然。每休沐朝直退。必相與論文義。或把酒燕衍。窮日夜無厭。數
 誓不見。即惘惘若有所失。考許初除天府刑曹。公以職事對。因辭謝。上存
 慰勸。至問及兄弟之數。且曰。卿之孝友。朕固知之。聚族千指。調餽輯睦。中
 外無間言。京城無宅以居。慨舍卑陋。處之裕如也。幼女與孤甥。女皆擇命
 士之賢者歸之。齋裝周渥。不異己子。居家不問有無。祿賜所得。不給於用。
 妻子衣食。纒足而已。既歿。家無餘貲。天子亦知之。故其賚賜特厚。及葬。狀
 公之行治。上太常。太常議曰。諡法德美才修曰文。能善兄弟曰友。今其狀
 應法乃諡曰文友。公之節惠。可以無愧矣。為人敦大。靜重。啓處有常。不妄
 笑語。雖家人子弟。不見其喜愠。御下以寬。不與物忤。人犯之。不校也。言官
 証公者。既死。其猶子坐殺人。州以其獄。上刑部。人馬危之。公平心論決。卒
 傅生議。論者伏公能損怨。起家單平。被遇明主。列於侍從。十有五年。初無
 左右之助。小心兢畏。以義命自安。無所附麗。非公事。未嘗請對。天子思見
 公至。被命乃敢請問。自幼嗜學。問晚節。為藏書數萬卷。朝夕繙閱。不去
 手。自經史諸子百家之言。靡不洽通。故其所著。雖深博。發為詞章。雅麗
 簡古。無世俗氣。尤長於辭令。典嚴溫厚。褒貶無溢言。詔命或叢委。操筆立
 成。初若不經意。而輕重適當。文采粲然。每篇出。多士口傳。以熟。上尤愛

永樂大典卷五百三十九

公文。以為有古風。進見。往往摘訓辭之善者稱賞之。有文集二十卷。外制
 二十卷。內制十卷。奏議五卷。講解五卷。藏于家。公每階自宣德郎。十四遷
 至通奉大夫。開國自河南縣男。至伯。食邑自三百戶至九百戶。娶葛氏。故
 贈少保某之女。封衛國太夫人。賢明淑貞。治家有法度。二男。邦佐。承議郎。
 行太府寺丞。有美才。所居官能舉其職。邦用。承事郎。三女。長歸余之子。寧
 祖。季歸余之子。及祖。仲。適朝散郎尚書戶部侍郎賈安宅。孫男九人。曰綱。
 承事郎。曰紹。曰絢。皆通仕郎。曰綸。曰約。曰繪。曰縉。曰絳。皆將仕郎。孫
 女四人。長適文林郎賈奕。次適從政郎任仲恕。餘尚幼。既葬。邦佐以門人
 之狀。與太常之議。見示。泣且言曰。先人葬宜有銘。願以累公。余與公居同
 鄉。進同年。仕同寮。有游從之好。有姻婭之契。知公為詳。義不得辭也。乃為
 之銘曰。棟成之裔。世推明郵。魏征海邦。率義始王。國初建功。亦享王封。乃
 及其貴。右衛之崇。維祖維考。埋光弗耀。是生河南。盛德之報。道隆以廣。學
 博而與。遂時之休。橫厲遠越。驚于禁密。以職華要。筆舌之峻。調護之真。豈
 曰不貴。公志未伸。胡弗壽考。俾秉國均。惟皇是悼。喪我良臣。有蘊弗據。亦
 素後昆。謚以易名。萬世是信。孫嶺我
 我荆水云云。既回既安。曰公之墳。

慕容彥連

宜興舊志慕容彥連義興人。崇寧三年中詞學兼茂科。

慕容暉

宜興舊志陽羨人嗜酒好吟不務進取家于城南所居有雙楠並植如蓋東坡訪之目曰雙楠居士王平甫亦寄以

詩曰坐嘯月華青嶂外徐吟帆起白雲邊。

段豐妻慕容氏

晉書列女傳段豐妻慕容氏德之女也有才慧善書史能鼓琴德既僭位署為平原

公主年十四適于豐豐為人所譖被殺慕容氏寡歸將改適傷壽光公餘熾慕容氏謂侍婢曰我聞忠臣不事二君貞女不更二夫段氏既遭無辜已不能同死豈復有心於重行哉今主上不顧禮義嫁我若不從則違嚴君之命矣於是勉日交禮慕容氏姿容婉麗服飾光華熾親之甚喜經再宿慕容氏偶辭以疾熾亦不之逼三日還第沐浴置酒言笑自若至夕容書其裙帶云死後當埋我於段氏墓側若魂魄有知當歸彼矣遂於浴室自縊而死及葬男女觀者數萬人莫不歎息曰貞哉公主路經餘熾宅前熾聞挽歌之聲慟絕良久

太寧郡君慕容氏

宋歐陽公集韓國公夫人太寧郡君慕容氏墓誌銘夫人姓慕容氏贈

太保章之曾孫贈中書令河南郡王延釗之孫太子率府率德正之女河南王有功於國為時名臣夫人以賢女適為韓國公從藹之配韓公彰化軍節度使舒公之子事其親以孝而夫人承其夫以順事其舅姑以禮下其妾媵以仁撫其子嫡庶以均故其內外宗姻莫不稱其能封太寧郡君至和元年正月戊寅以疾卒享年五十有六子男十人長曰世豐贈右統衛大將軍次曰世宣贈均州防禦使次曰世準世雄世本世綱皆諸侯將軍次曰世岳世猷世庸家作庸皆太子率府副率女三人長適高允懷客適張承訓次適鄭偃皆右侍禁餘皆奴以嘉祐五年十月乙酉舉夫人之喪合葬于韓之墓銘曰承夫以順為婦以勤速下以恩愛子以均以成厥家以播其芬

永安縣君慕容氏

宋歐陽公集右屯衛將軍夫人永安縣君慕容氏誌銘永安縣君慕容

氏者皇從孫贈右屯衛大將軍仲容之配也曾祖隱贈左千牛衛大將軍祖興魏州團練使父守恩左班殿直年十七選為屯衛之配有子二人長

曰士潔太子右監門衛率府。年十。次士獲太子右內率府副率女一人尚幼。夫人以嘉祐三年三月丙戌以疾卒。享年二十有五。嘉祐五年十月乙酉。合葬于仲塞之墓。銘曰。選以賢配。封以夫貴。歿而從之。安于此位。

恭人慕容氏

宋何澹小山雜著。故恭人慕容氏墓誌。恭人慕容氏。其上世曰延釗。佐太祖定天下。啓王爵。

其四世孫曰考逢。位文昌門風始振。考逢之弟考季。以朝請。耶提舉京西坑冶。贈中散大夫。娶安定郡王之姪女。是生恭人。六蜚南巡。提舉挈其族家毗陵之義興。故慕容爲毗陵著姓。恭人諱蘊慈。生而莊麗。淑惠天成。長擇所歸于吳氏。吳氏亡。無嫡子。再歸于轉運朱公正純。朱公性鯁介。仕州縣。至擁麾乘輅。咸著聲績。所至以嚴見憚。有古廉能風。恭人以正規助爲多。轉運前娶應氏生子曰佚。郊思有廢疾。將屬恭人之子。恭人義不可。曰。使吾子當食祿。雖蓬何害。母使人以厚薄窺我。卒先之。暮年而卒。恭人哀傷甚於已出。轉運捐館舍。恭人隻力。整治內外。率以勤儉。靡事不中。繩墨小大。斬斬如轉運。生存時。母晨興。懶指家務。罷則繙金剛經二卷。日一齋。爲常。性好施。喜作釋家緣事。以爲因果可證。復授道家籙。聞茹葷亦不過。

承樂大典卷五百三十九

十四

一品。性不喜自奉。衲于彭華鄉祿山。轉運公之墓。初恭人既喪。諸子飭二孫以寄門戶。暇日從容置酒。使知舊事。曰。汝祖自倅京口。被薦擢漕廣東。徙湖南。遠宦數千里。子弱指衆。吾經紀細碎。略無遺漏。番禺珠翠窟穴。未嘗治首飾。飲食陳水陸。不敢下筯。湖南供堂什器。悉檢校以歸。公幣行抵中涂。有乳婢私携坐褥。即叱還之。士大夫所至。多以不賢婦。喪其廉節。吾每旦夕念懼。一毫累汝祖也。今幸見汝等成立。更能讀書。勤儉不墜。墓緒。吾瞑目亡憾矣。嗚呼。恭人卓識如此。某愚無似。跪起得同子姓。每嘆恭人之齊家律已。以爲近世所希有。去歲。舟相遇。惓惓惜別。將恭人之康彊。尚能復來。孰謂慶弔相尋于門乎。葬有期。元龜謁銘。乃泣而銘曰。恭人之生。間闢百雁。作善有報。八秩維祺。豈惟與年。極樂是歸。夜且有常。慶弔踵門。宅彼祿山。利其後昆。

夫人慕容氏

宋葉石林建康集。夫人慕容氏墓誌銘。紹興九年。某被命安慰江東。選諸僚得上元丞趙君。

公衆。識慮深遠。儒學飾吏。奏辟爲幹辦公事。適值防江回祿。事隨日生。凡與著悉委之。十一年。拓阜之役。遣詣軍前計事。聞其母謂之曰。汝勿以我。

永樂大典

卷五三九

為念當盡忠公家。因與其子借出門。而之。長子所某。因敬之。明年以疾來。告。繼聞不起。其匪走介致購贈。未幾二子以周君奏之行狀來請銘。夫人之賢。非其其誰銘。夫人姓慕容氏。河南人。河南郡王延到之曹孫。祖理父考。母王氏夫人。幼莊東。謹孝。叔父尚書公諱彥達。為擇配。時朝議大夫。趙君諱望之。負賢德。時承平。諱言兵。君推廣李衛公六花陣法。以獻。俾試中書。尚書公遂以夫人歸之。事二姑。忠得其歡心。閨門肅然。朝議君以所生夫人。捐館。憂毀傷生。夫人方三十。躬蹈艱苦。保養諸孤。擇名儒以訓子。故二子俱擢第。諸女皆適賢士。幹辦君初調隨州司儀曹事。南道總管扶文忠公叔夜辟置幕下。力贊勤王。從其行。會有旨。令回京師。再告急。文忠公領兵復勤王。夫人長子時為鄧州穰縣丞。率民兵以從。幹辦君奉夫人復隨。道遇劇寇圍之。數重皆失色。夫人呼其首至。與前告之曰。京城失守。兩宮北狩。正忠臣義士取功名之秋。况汝等皆國家兒郎。何苦作此。我長子已率兵勤王。此次子也。能從吾兒。可轉禍為福。眾羅拜曰。知吾母來迎候耳。非有他也。夫人命幹辦君統之。誓于眾。南下至棗陽。聞于州。方以乏兵。為憂。遂俾幹辦君帶兵知棗陽。君朝夕訓練。聲譽隱然。薛廣王在不敢犯境。從他道破隨。君提師收復。聞于朝。道梗不得通。明年新知州楊遠來。

永樂大典卷五三九

十五

交事。侍夫人避地大洪。不獨免於難。卒保一城生聚。夫人膽畧烈。丈夫有所不能。晚年康強。二子互迎之官。諸壻亦顯。士林榮之。紹興十二年冬。十月十三日。以微疾不起。享年六十有五。以二子陞朝封太宜人。明年春二月九日丙申。葬于常州宜興縣永豐鄉太一山之原。長男公體。左朝奉郎。新通判建康軍府事。次公泉。左承議郎。江南東路安撫大使司。幹辦公事。女適進士沈師稟。次適迪功郎褚震。次適進士陳元基。次適左承議郎直祕閣。權發遣襄陽軍府事。蔡安強。次適從政郎錢露。孫男考銜。考衡。孫女適迪功郎。靜江府司戶參軍韓恂。胃。夫人平居寡言笑。不見喜愠。遇事英發。訓其子曰。持身以節。倫為先。當官以勤。恕為本。汝父用是道。積以及汝。究內典。嘗自贊喜神曰。丹青得意。以為真。一筆掃成身外身。不二法中無這箇。到頭那箇是真形。嗚呼。女使所書。嘉言善行。固多矣。未若夫人在父母家為淑女。既嫁為孝婦。相夫為令妻。教子為賢母。忠言可以回強暴之聽。高見足以脫危急之難。斯可銘已。銘曰。赫赫顯閥。慶源委長。奕世載德。續懿流芳。篤生夫人。正靖慈惠。奉上撫下。內行潛備。未嬪大家。令問肆揚。穎藻華修。肅恭齋莊。為父割股。禱姑然香。旋獲感應。孝德彌彰。夙擇名師。用訓厥子。連登桂籍。侍迎就仕。中原多虞。挈家南來。遇事英發。狂暴亦

回。深惟懿範。宜享百年。爰卜新宮。永豐之原。既圖既安。克昌厥後。刻此銘詩。以昭賢母。

安人慕容氏

宋韓駒陵陽集安人慕容氏墓誌銘。宜興蔣季平。喪其妻慕容氏。過時而哀不忘。余往弔之。

季平曰。非喪吾妻也。喪吾賢友生也。因謂余稱其賢。余蓋贊然異之。然後知季平非溺於愛。其不忘固當。及將葬。乞銘。夫銘墓非古也。銘及婦人。益非古。又無行事可書。誠如季平言。安人。女而孝。婦而恭。婦如而和。妻而順。親屬見之。歸曰。使吾婦得如慕容氏可矣。為婦如者亦然。歿而哭之。皆悲。使其夫懷其義。可謂賢已。是宜為銘。乃序曰。安人父彥達。故刑部尚書太子賓客。母葛氏。晉康郡太夫人。慕容世為河南著姓。國初。延釗以功為河南王。而其別子有為。宜興吏者。葬宜興。因家焉。三世而尚書顯。安人少稟庭訓。慈詳可親。其儕麗服游。心不善之。年十九。嫁季平。調娛上下。無間言。誦經文。知名教。議論纒纒。不類閨中語。至與季平商榷進退。凜然如老書生。疾革。氣不亂。謂季平曰。吾舅姑老矣。尚自愛。無以吾故傷其意。乃瞑。無餘語。實宣和四年九月辛丑。壽二十八。殯于城東佛舍。明年歸葬宜興。歿贈安人。一子未晬。季平名寧祖。以觀文殿學士之奇之孫。大司

永樂大典卷五百三十九

其

樂階之子。及進士第。任為校書郎。好學而文聲稱藉甚。然季平自謂安貧守義。視富貴不汲汲。蓋安人有助云。銘曰。猗嗟安人。藹其芳。中心宏寬。外齊莊。和協先後。嚴尊章。天若相之。宜壽康。始生江陰。殯大梁。客土旋薄。非其藏。舟楫輕利。時日良。魂兮安虞。歸故鄉。卜靈之宮。闕高岡。琢石銘之。發幽光。

永樂大典卷之五百三十九

重錄總校官侍那臣高拱

諭德臣瞿景淳

本校官檢討臣吳可行

書寫儒士臣王以成

國監生臣尹之先

臣李瀛

永樂大典

卷五四〇